



Broj: 01-04-1787/20-AP-4
Datum: 29.07.2020. godine

**SLUŽBA ZA UPRAVU POLJOPRIVREDE,
VODOPRIVREDE I KOMUNALNIH POSLOVA
O V D J E**

PREDMET: Nacrt Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići, dostavlja se -

Općinsko vijeće Zavidovići na 49. sjednici održanoj 29.07.2020. godine, razmatralo je Nacrt Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići.

Tom prilikom, Općinsko vijeće prihvatilo je Nacrt Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići, te donijelo Zaključak kojim se navedeni akt upućuje u javnu raspravu.

Dostava materijala, oglašavanje, te određivanje termina i mjesta održavanja javne rasprave po Nacrtu Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići, provest će Služba za upravu poljoprivrede, vodoprivrede i komunalnih poslova.

Javna rasprava traje 20 dana, te se u ovom terminu mogu dostavljati pismeni prijedlozi, mišljenja i sugestije po Nacrtu Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići.

Nakon provedene javne rasprave Služba za upravu poljoprivrede, vodoprivrede i komunalnih poslova, dužan je na osnovu pismenih primjedbi, mišljenja i sugestija, sačiniti izvještaj o provedenoj javnoj raspravi i utvrditi Prijedlog Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići.

U prilogu vam dostavljamo Nacrt Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići, broj: 02-04-1747/20-AP-3 od 29.06.2020. godine, Zaključak Općinskog vijeća Zavidovići, broj: 01-04-1787/20-AP-3 od 29.07.2020. godine, radi provođenja javne rasprave.

S poštovanjem.

DOSTAVLJA SE:

1. Naslovu,
2. Općinski načelnik (na znanje),
3. U spis.

PREDSJEDAVAJUĆI
OPĆINSKOG VIJEĆA

Redžo Seferović



Broj: 01-04-1787/20-AP-3
Datum: 29.07.2020. godine

Na osnovu člana 106. Poslovnika o radu Općinskog vijeća Zavidovići („Službeni glasnik Općine Zavidovići“, broj 7/14 – prečišćeni tekst, 8/14 – isp., 9/14, 8/18 i 8/19), Općinsko vijeće Zavidovići na 49. sjednici od 29.07.2020. godine, razmatralo je Nacrt Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići, pa nakon rasprave donijelo

ZAKLJUČAK

1. Općinsko vijeće Zavidovići prihvata Nacrt Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići

2. Nacrt Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići upućuje se u javnu raspravu, koja će se održati u Velikoj sali Općine Zavidovići, a čiji termin održavanja će utvrditi Služba za upravu poljoprivrede, vodoprivrede i komunalnih poslova.

3. Zadužuje se Služba za upravu poljoprivrede, vodoprivrede i komunalnih poslova da u periodu od 20 dana, organizuju provođenje javne rasprave putem sredstava javnog informisanja, WEB stranice Općine Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.

4. O rezultatima javne rasprave i pretresu na sjednici Općinskog vijeća Služba za upravu poljoprivrede, vodoprivrede i komunalnih poslova dužna je podnijeti izvještaj Općinskom načelniku i Općinskom vijeću.

5. Općinski načelnik će prilikom utvrđivanja Prijedloga Odluke o standardima i kriterijima za imenovanje u Nadzorni odbor Javnog komunalnog preduzeća „Radnik“ d.o.o. Zavidovići, uzeti u obzir primjedbe i mišljenja sadržane u Izvještaju Službe za upravu poljoprivrede, vodoprivrede i komunalnih poslova kao i mišljenja i prijedloge iznijete tokom pretresa na Općinskom vijeću, te će obrazložiti razloge zbog kojih eventualno nije prihvatio pojedine prijedloge i mišljenja koji su iznijeti u javnoj raspravi.

6. O realizaciji ovog zaključka staraće se Služba za upravu poljoprivrede, vodoprivrede i komunalnih poslova i Stručna služba Općinskog vijeća.


PREDSJEDAVAJUĆI
OPĆINSKOG VIJEĆA

Redžo Seferović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI



Broj: 02-04-1747/20-AP-3
Datum: 29.6.2020.. godine



OPĆINSKO VIJEĆE ZAVIDOVIĆI
n/r PREDSEDAVAJUĆI OPĆINSKOG VIJEĆA
gospodin Redžo Seferović

PREDMET: Nacrt Odluke o standardima i kriterijima za imenovanje u Nadzorni odbor
Javnog komunalnog preduzeća „Radnik“ d.o.o. Zavidovići, dostavlja se

U prilogu akta dostavljam Vam Nacrt Odluke o standardima i kriterijima za imenovanje
u Nadzorni odbor Javnog komunalnog preduzeća „Radnik“ d.o.o. Zavidovići.

Nacrt Odluke o standardima i kriterijima za imenovanje u Nadzorni odbor Javnog
komunalnog preduzeća „Radnik“ d.o.o. Zavidovići dostavljam Općinskom vijeću Zavidovići
radi uvrštavanja u dnevni red sjednice Općinskog vijeća.

Predlažemo da se dnevni red 48. sjednice Općinskog vijeća Zavidovići dopuni, i da se
Nacrt Odluke o standardima i kriterijima za imenovanje u Nadzorni odbor Javnog komunalnog
preduzeća „Radnik“ d.o.o. Zavidovići uvrsti u dnevni red kao dopuna.

S poštovanjem

Dostavljeno:

1. Naslovu,
2. U spis.

OPĆINSKI NAČELNIK
mr. sci. Hašim Mujanović



Broj: 02-04-1747/20-AP-2
Datum: 29.06.2020. godine

Na osnovu člana 7. stav (2) Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13), člana 247. stav (7) Zakona o privrednim društvima člana („Službene novine FBiH“, broj: 81/15), člana 25. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019), i člana 19. stav (1) i (5) Statuta JKP „Radnik“ d.o.o. Zavidovići broj: SP-29/15 - prečišćeni tekst, SP-13/16, SP-1/20 i SP-17/20, Općinsko vijeće Zavidovići na __. sjednici održanoj dana __. __. 2020. godine, donosi

ODLUKU

o standardima i kriterijima za imenovanje u Nadzorni odbor
Javnog komunalnog preduzeća „Radnik“ d.o.o. Zavidovići

I – OPĆE ODREDBE

Član 1.

(Predmet regulisanja)

Ovom Odlukom utvrđuju se standardi i kriteriji za postupak izbora i imenovanje na upražnjene pozicije predsjednika i članova Nadzornog odbora Javnog komunalnog preduzeća „Radnik“ d.o.o. Zavidovići, način oglašavanja, imenovanje Komisije za izbor i donošenje Odluka o imenovanju (u daljem tekstu: Nadzorni odbor).

II – USLOVI ZA IMENOVANJE PREDSJEDNIKA I ČLANOVA NADZORNOG ODBORA

Član 2.

(Opći uslovi za imenovanje)

- (1) Kandidati za imenovanje na upražnjenu poziciju predsjednika i članova Nadzornog odbora treba da ispunjavaju opće i posebne uslove za imenovanja koji su utvrđeni ovom Odlukom.
- (2) Opći uslovi za imenovanje na pozicije predsjednika i članova Nadzornog odbora su:
 - a) da je državljanin Bosne i Hercegovine,
 - b) da je stariji od 18 godina,
 - c) da nije otpušten iz državne službe kao rezultat disciplinske mjere (bilo na nivou države ili entiteta), u periodu od 3 godine prije dana objavljivanja upražnjene pozicije,
 - d) da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),

- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine,
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Službene novine Federacije BiH“, broj: 16/ 08),
- g) da nema privatni finansijski interes u instituciji u koju se kandiduje,
- h) da nije osuđen za krivično djelo i prekršaj nespojiv sa dužnošću u Nadzornom odboru, pet godina od dana pravosnažnosti presude isključujući vrijeme zatvorske kazne,
- i) da mu presudom suda nije zabranjeno obavljanje aktivnosti u nadležnosti Nadzornog odbora,
- j) da nije stariji od 65. godina na dan imenovanja.

(3) Dokaz da kandidat nije osuđivan za krivično djelo od nadležnog Ministarstva unutrašnjih poslova službeno će se tražiti za kandidate koji budu predloženi za konačna imenovanja.

Član 3.

(Posebni uslovi za imenovanje)

(1) Posebni uslovi za imenovanje na upražnjene pozicije predsjednika i članova Nadzornog odbora su:

- a) visoka/viša stručna sprema (VII / VI) stepen ili visoko obrazovanje prvog, drugog ili trećeg ciklusa Bolonjskog sistema studiranja,
- b) 3 godine radnog iskustva u struci i spremi nakon sticanja visoke / više stručne spreme,
- c) da nije član niti jednog Upravnog ili Nadzornog odbora, odnosno Odbora za reviziju u više od jednog privrednog društva,
- d) da nije vlasnik ili član uprave nekog privrednog društva ili institucije
- e) sposobnost za savjesno, odgovorno i odlučno obavljanje upražnjene pozicije,
- f) sposobnost nepristrasnog donošenja odluka,
- g) komunikacijske i organizacijske sposobnosti,
- h) sposobnost tumačenja ekonomskih, tehnoloških i pravnih analiza i propisa,
- i) da posjeduje stručno znanje iz oblasti rada i organizacije privrednih društava i / ili institucija,
- j) preporuke ranijih neposrednih rukovodioca.

(2) Prilikom procjene posebnih uslova, kriteriji navedeni pod tačkama od g) do i) stava (1) ovog člana izrazit će se u bodovima 1-5.

III – POSTUPAK POPUNE UPRAŽNJENIH POZICIJA PREDSJEDNIKA I ČLANOVA NADZORNOG ODOBORA PREDUZEĆA

Član 4.

(Raspisivanje javnog oglasa)

(1) Odluku o raspisivanju javnog oglasa za popunu upražnjenih pozicija za predsjednika i članova Nadzornog odbora donosi Općinski načelnik u skladu sa Zakonom o ministarskim, vladinim i drugim imenovanjima Federacije Bosne i Hercegovine na prijedlog Službe za upravu poljoprivrede, vodoprivrede i komunalnih poslova.

(2) Oglas za upražnjenu poziciju mora se objaviti u Službenim novinama Federacije Bosne i Hercegovine i jednom dnevnom listu velikog tiraža s ciljem da bude dostupan najširoj javnosti, kao i na službenoj web stranici Općine Zavidovići.

(3) Općinsko vijeće dužano je čuvati svu evidenciju vezanu za oglašavanje upražnjenog mjesta.

Član 5. (Komisija za izbor)

(1) Za sprovođenje postupka imenovanja na upražnjene pozicije Nadzornog odbora imenuje se Komisija za izbor.

(2) Komisiju za izbor imenuje Općinsko vijeće Zavidovići na prijedlog Općinskog načelnika.

(3) Komisija za izbor se sastoji od pet (5) članova, a imenuju se u skladu sa kriterijima utvrđenim članom 9. Zakona o ministarskim, vladinim i drugim imenovanjima.

(4) Komisija za izbor u okviru svojih nadležnosti:

- a) vrši pregled prijava kandidata,
- b) sastavlja listu s užim izborom najboljih kandidata koji ispunjavaju kriterije za imenovanje,
- c) provodi intervju sa svim kandidatima koji su ušli u uži izbor,
- d) dostavlja potrebne obrasce kandidatima koji su ušli u uži izbor,
- e) predlaže Općinskom vijeću Zavidovići putem pismene preporuke rang-listu najboljih kandidata na prethodnu saglasnost,
- f) vrši i druge poslove koji proizilaze iz Zakona i ove Odluke.

Član 6. (Imenovanje i usavršavanje predsjednika i članova Nadzornog odbora)

(1) Konačno imenovanje predsjednika i članova Nadzornog odbora uz prethodnu saglasnost Općinskog vijeća vrši Skupština JKP „Radnik“ d.o.o. Zavidovići u skladu sa Uredbom o vršenju ovlaštenja u privrednim društvima sa učešćem državnog kapitala iz nadležnosti Federacije BiH („Službene novine F BiH“ broj: 20/16, 3/17, 9/17, 69/17 i 96/17).

(2) Nakon konačnog imenovanja predsjednik i članovi nadzornog odbora (ukoliko već ne posjeduju) dužni su u roku od godinu dana od dana konačnog imenovanja pribaviti Certifikat o završenom usavršavanju izdat od strane nadležnog organa, a u skladu sa odredbama Uredbe o usavršavanju predsjednika i članova Nadzornih odbora i uprava privrednih društava sa učešćem državnog kapitala („Službene novine FBiH“ broj: 71/09, 33/10, 23/11, 83/11, 2/13, 80/13, 48/15, 60/16 i 88/17),

(3) Općinsko vijeće stara se da se sva konačna imenovanja odmah objave u „Službenom glasniku općine Zavidovići“.

Član 7.
(Trajanje mandata i sukob interesa)

- (1) Predsjednik i članovi Nadzornog odbora imenuju se na period od četiri godine.
- (2) U slučaju prestanka obavljanja dužnosti predsjednika ili člana Nadzornog odbora prije isteka perioda od četiri godine na koji je imenovan, popunjavanje upražnjene pozicije vrši se na period do kraja perioda na koji je imenovan Nadzorni odbor.
- (3) Predsjednik i članovi Nadzornog odbora dužni su potpisati izjavu o nepostojanju sukoba interesa prije preuzimanja funkcije.

Član 8.
(Broj i sastav Nadzornog odbora)

Nadzorni odbor čine predsjednik i dva člana od kojih jedan član mora biti ispred reda zaposlenika JKP „Radnik“ d.o.o. Zavidovići.

IV – OSTALE ODREDBE

Član 9.
(Evidencije)

Evidenciju o predsjednicima i članovima Nadzornog odbora, trajanju mandata, isteku mandata, kao i drugim pitanjima iz ove Odluke, vodi Služba za upravu poljoprivrede, vodoprivrede i komunalnih poslova.

V – ZAVRŠNE ODREDBE

Član 10.
(Stupanje na snagu)

Ova Odluka stupa na snagu prvog narednog dana nakon njezinog objavljivanja u „Službenom glasniku Općine Zavidovići“.

PREDSJEDAVAJUĆI
OPĆINSKOG VIJEĆA

Redžo Seferović

O B R A Z L O Ž E N J E

PRAVNI OSNOV DONOŠENJA ODLUKE:

Odredbom člana 7. stav (2) Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13) propisano je da:

„Osim ovih općih uvjeta u svrhu određivanja osnove za izbor prema kvalitetu odgovorni javni službenik utvrdit će standarde za izbor i ocjenjivanje u smislu stepena obrazovanja, znanja, iskustva, poznavanja stranih jezika i drugog, što je po njegovom mišljenju neophodno ili poželjno s obzirom na prirodu poslova koje treba obavljati.“

Odredbom člana 247. stav (7) Zakona o privrednim društvima propisano je da „Postupak imenovanja i razrješenja nadzornog odbora i ostala pitanja koja se odnose na upravljanje u društvima sa učešćem državnog kapitala uređuju se Uredbom o vršenju ovlaštenja organa Federacije Bosne i Hercegovine u privrednim društvima sa učešćem državnog kapitala“.

Odredbom člana 19. Statuta JKP „Radnik“ d.o.o. Zavidovići broj: SP-29/15 - prečišćeni tekst, SP-13/16, SP-1/20 i SP-17/20, propisano je da: „Nadzorni odbor čine predsjednik i dva člana, od kojih jedan član mora biti ispred reda zaposlenika JKP „Radnik“ d.o.o. Zavidovići, i koji se biraju isključivo putem javnog konkursa koji pored općih uslova predviđenih Zakonom, moraju imati visoku / višu stručnu spremu (VII / VI) ili visoko obrazovanje prvog drugog ili trećeg ciklusa Bolonjskog sistema studiranja sa najmanje 240 ECTS bodova i najmanje tri godine radnog iskustva nakon sticanja visoke stručne spreme.

Prilikom imenovanja Nadzornog odbora primjenjivat će se odredbe Zakona o ministarskim, vladinim i drugim imenovanjima F BiH („Službene novine F BiH“, broj: 12/03, 34/03 i 65/13), odredbe Zakona o sukobima interesa u institucijama vlasti („Službeni glasnik BiH“, broj: 16/02, 12/04, 63/08 i 18/12) i odredbe Statuta.“

RAZLOZI DONOŠENJA ODLUKE

Dana, 17.06.2020. godine zaprimljen je dopis JKP „Radnik“ d.o.o. Zavidovići broj:SP-18/20 kojim se traži da Općinsko vijeće pokrene procedura za izbor i imenovanje predsjednika i članova nadzornog odbora JKP „Radnik“ d.o.o. Zavidovići i imenuje Komisiju za provođenje izbora u skladu sa Zakonom o ministarskim, vladinim i drugim imenovanjima Federacije Bosne i Hercegovine, Zakona o privrednim društvima i Statutom JKP „Radnik“ d.o.o. Zavidovići. Obzirom da je mandat predsjedniku i članovima Nadzornog odbora istekao predlaže se donošenje ove Odluke.


FINANSIJSKA I DRUGA SREDSTVA POTREBNA ZA SPROVOĐENJE ODLUKE

Za sprovođenje ove Odluke nije potrebno planirati finansijska sredstva u Budžetu općine Zavidovići.


Dostavljeno:

1. Naslovu,
2. U spis.

Obradila:


(Adisa Pašić)

Kontrolisao:


(Izet Bašić)





Komisija za Statut i propise

Broj: 01-04-1787/20-AP-2

Datum: 20.07.2020. godine

Na osnovu člana 40. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14-prečišćeni tekst, 8/14-isp., 9/14, 8/18 i 8/19), Komisija za Statut i propise na 52. sjednici održanoj 20.07.2020. godine, razmatrala je Nacrt Odluke o standardima i kriterijima za imenovanje u Nadzorni odbor Javno komunalnog preduzeća „Radnik“ d.o.o. Zavidovići, pa nakon rasprave donijela

ZAKLJUČAK

1. Komisija za Statut i propise smatra da je Nacrt Odluke o standardima i kriterijima za imenovanje u Nadzorni odbor Javno komunalnog preduzeća „Radnik“ d.o.o. Zavidovići, u skladu sa zakonom i drugim propisima.
2. Nacrt Odluke o standardima i kriterijima za imenovanje u Nadzorni odbor Javno komunalnog preduzeća „Radnik“ d.o.o. Zavidovići, dostavlja se predsjedavajućem radi uvrštavanja u dnevni red sjednice Općinskog vijeća.
3. O realizaciji ovog Zaključka starat će se Stručna služba Općinskog vijeća.



PREDSJEDNIK KOMISIJE

Azra Sojkić
Azra Sojkić, dipl. pravnik